



PRIFYSGOL
BANGOR
UNIVERSITY

Prifysgol Bangor

Cynllun Dirprwyo a Phwerau Penderfynu

Dyddiad	Diben Cyhoeddi/Disgrifiad o'r Newid	Aseiad Effaith Cydraddoldeb wedi ei Gwblhau
12 Ebrill 2019	Cyhoeddiad Cyntaf	

Swyddog Polisi	Uwch Swyddog sy'n Gyfrifol	Cymeradwywyd gan	Dyddiad
Pennaeth Llywodraethu a Chydymffurfio	Ysgrifennydd y Brifysgol	Cyngor y Brifysgol	12 Ebrill 2019

Caiff y polisi hwn ei adolygu ymhen blwyddyn.

Prifysgol Bangor

Cynllun Dirprwyo a Phwerau Penderfynu

1. Rhagarweiniad

Mae'r Brifysgol yn gorfforaeth annibynnol y mae ei statws cyfreithiol yn deillio o Siarter Frenhinol a ddyfarnwyd yn wreiddiol yn 1885. Fe'i cofrestrwyd fel elusen (rhif 1141565) yn 2011. Pennir ei hamcanion, ei phwerau a fframwaith ei threfn lywodraethu yn y Siarter a'r Statudau ategol, y cymeradwyir diwygiadau iddynt gan y Cyfrin Gyngor o bryd i'w gilydd.

Y Cyngor yw'r corff llywodraethu, a'r awdurdod pennaf, sy'n gyfrifol am gyllid, eiddo, buddsoddiadau a busnes cyffredinol y Brifysgol, ac am bennu cyfeiriad strategol cyffredinol y sefydliad.

Pwrpas y ddogfen hon yw nodi'r cyfrifoldebau a'r awdurdodau dirprwyedig i wneud penderfyniadau allweddol yn enw Prifysgol Bangor neu ar ei rhan. Rhoddir pwyslais arbennig ar y penderfyniadau hynny a wnaed gan Gyngor y Brifysgol, neu a ddirprwywyd ganddo, ond mae'r ddogfen hefyd yn manylu ar gyfrifoldebau eraill am benderfyniadau allweddol, yn unol â Statudau, Ordinhadau a pholisïau cyhoeddedig y Brifysgol.

Nid yw'r Cynllun hwn yn un llawn a chynhwysfawr ond mae'n ceisio rhoi eglurder ar y broses benderfynu ac awdurdodau terfynol mewn perthynas â materion strategol a pholisi allweddol, tra'n darparu fframwaith i lywio'r broses o wneud penderfyniadau mewn meysydd eraill.

2. Egwyddorion Allweddol

1. Paratowyd y Cynllun hwn gan gyfeirio'n ofalus at Siarter, Statudau ac Ordinhadau'r Brifysgol. Dylid nodi, fodd bynnag, mai gan yr olaf y mae'r awdurdod eithaf, pe bai unrhyw wrthddweud.
2. Lle bo'r Cyngor wedi dewis dirprwyo cymeradwyo a gweithredu penderfyniad neu broses, maent yn cadw atebolrwydd a chyfrifoldeb corfforaethol eithaf dros y penderfyniad neu'r broses honno, a gellir tynnu'r dirprwyo hwn yn ôl ar unrhyw adeg.
3. Oni bai bod y Siarter, Statudau neu Ordinhadau yn ei gwneud yn ofynnol i'r Cyngor weithio gyda'r Canghellor, yr Is-ganghellor, y Senedd neu bartïon eraill mewn perthynas â phenderfyniadau neu brosesau allweddol, dylid rhagdybio bod y Cyngor yn cadw'r hawl i awdurdodi mewn meysydd lle mae ganddo'r awdurdod eithaf.
4. Fel prif weithredwr ac uwch swyddog academiaidd y Brifysgol, mae'r Is-ganghellor yn gyfrifol i Gyngor y Brifysgol - o fewn y fframwaith a bennir gan y Siarter, Statudau ac Ordinhadau, y Memorandwm Sicrwydd ac Atebolrwydd a'r Cod Rheolaeth Ariannol rhwng y Brifysgol a HEFCW, Rheoliadau Ariannol y Brifysgol a'r Cynllun Dirprwyo a Phwerau Penderfynu hwn - ar gyfer rheoli gweithredol pob agwedd ar waith y Brifysgol. Gall yr Is-ganghellor ddirprwyo cyfrifoldeb am agweddau penodol ar reolaeth y Brifysgol i'r Pwyllgor Gweithredu ac i Swyddogion a Deoniaid y Brifysgol, ond ganddo ef/ganddi hi y mae'r cyfrifoldeb eithaf.

5. Mae'r Deoniaid yn gyfrifol i Gyngor y Brifysgol (trwy'r Is-ganghellor) am arweinyddiaeth a rheolaeth gyffredinol eu priod golegau yn unol â'u disgrifiadau swydd a pholisïau a Rheoliadau Ariannol y Brifysgol. Gallant ddirprwyo cyfrifoldeb dros agwedd benodol ar reolaeth coleg i'r Dirprwy Ddeoniaid ac aelodau eraill o dîm gweithredu'r coleg (neu gyffelyb) ond hwy sy'n gyfrifol yn y pen draw am reoli eu colegau.
6. Mae Cyfarwyddwyr Gwasanaethau Proffesiynol yn gyfrifol i Gyngor y Brifysgol (trwy'r Is-ganghellor) am arweinyddiaeth a rheolaeth gyffredinol gwasanaethau proffesiynol yn unol â'u disgrifiadau swydd a pholisïau a Rheoliadau Ariannol y Brifysgol. Gallant ddirprwyo cyfrifoldeb dros agweddau penodol ar y gwasanaeth i ddirprwy gyfarwyddwyr / penaethiaid gwasanaethau, ond hwy sy'n gyfrifol yn y pen draw am reoli eu gwasanaethau.
7. Lle mae pŵer wedi'i ddirprwyo, mae'n hanfodol bod yr uwch reolwr y dirprwywyd awdurdod iddo/iddi yn sicrhau bod fframweithiau a gweithdrefnau priodol ar waith o fewn eu maes cyfrifoldeb cyn dirprwyo ymhellach. Ymhellach, rhaid i unrhyw ddirprwyo cyfrifoldeb pellach hefyd fod yn amodol ar weithdrefnau cyffredinol y Brifysgol ar gyfer trafodion ariannol a materion polisi, a chael ei lywio ganddynt.
8. Diffinnir pwerau'r Senedd yn y Siarter, fel *awdurdod academiaidd y Brifysgol, sy'n gyfrifol am y gwaith academiaidd ym maes addysgu ac ymchwil ac am reoleiddio ac arolygu addysg a disgyblaeth myfyrwyr. Caiff y Senedd weithredu unrhyw swyddogaethau eraill a roddir iddi gan yr Ordinadau*. Gall y Senedd ddirprwyo rhai o'i phwerau i is-bwyllgorau neu fyrddau coleg, ac mae gan y Senedd hefyd yr hawl i drafod a datgan barn ar unrhyw fater academiaidd sy'n ymwneud â'r Brifysgol a bydd Cyngor y Brifysgol yn cymryd hynny i ystyriaeth. O ran materion academiaidd, yr Is-ganghellor yw Cadeirydd y Senedd yn rhinwedd ei swydd ac felly gall, lle bo angen er budd y Brifysgol, wneud penderfyniadau a ran y Senedd o fewn ei phriod feysydd (rhoddir gwybod am benderfyniadau o'r fath i gyfarfod nesaf y Senedd).
9. Ac eithrio fel y darperir yn wahanol, gall unigolion a chyrrff y mae awdurdod wedi'i ymddiried ynddynt gan y Cynllun Dirprwyo a Phwerau Penderfynu hwn, is-ddirprwyo i eraill ar yr amod bod is-ddirprwyo o'r fath yn gyson â'r rheoliadau ariannol ac eraill ac yn cael ei gofnodi a'i hysbysu i'r gwasanaeth corfforaethol perthnasol (er enghraifft y Cyfarwyddwr Cyllid mewn perthynas â lefelau awdurdod ariannol).
10. Os bydd digwyddiad neu argyfwng mawr, cydnabyddir y gall fod angen gwneud penderfyniadau mewn ffordd wahanol i'r trefniadau arferol a amlinellir yn y Cynllun hwn. Mae nifer o drefniadau wedi'u sefydlu i gefnogi amgylchiadau o'r fath. Amlinellir awdurdodau a chyfrifoldebau penodol os bydd digwyddiad neu argyfwng mawr ym Mholisi'r Brifysgol ar Reoli Argyfyngau.
11. Bydd y ddogfen hon yn parhau i fod yn ddogfen fyw a bydd yn cael ei diweddarau'n rheolaidd fel sy'n briodol. Cedwir y fersiwn ddiweddaraf gan Ysgrifennydd y Brifysgol a bydd yn destun adolygiad blynyddol gan y Pwyllgor Enwebiadau a Llywodraethu.

3. Natur y Cynllun

Mae prif fframwaith y Cynllun yn amlinellu pwerau penderfynu ar draws y tri chategori eang canlynol:

a) Awdurdodau Cyngor y Brifysgol/neu a bennwyd ganddo

Eglurhad ar brif gyfrifoldebau'r Cyngor fel y diffinnir hwy yn Statud 12 ac Ordinhad 3 gan gynnwys manylion unrhyw ddirprwyo cyfrifoldebau a bennir gan y Cyngor.

b) Awdurdodau a Bennir gan Statud ac Ordinhad

Ar wahân i gyfrifoldebau'r Cyngor a nodir yn a) uchod, pwerau penderfynu statudol a dirprwyedig eraill a nodir yn Siarter, Statudau ac Ordinhadau'r Brifysgol ac na ellir felly eu diwygio heb gymeradwyaeth y Cyngor, y Llys a / neu'r Cyfrin Gyngor.

c) Pwerau Penderfynu Allweddol Eraill

Mae'r rhain yn awdurdodau a phrosesau sydd, er nad ydynt wedi'u cofnodi'n ffurfiol mewn statud neu ordinhad, nac yn ymwneud yn uniongyrchol â chyfrifoldebau'r Cyngor, serch hynny yn elfennau allweddol o strwythur gwneud penderfyniadau'r Brifysgol ac maent wedi'u cynnwys yn y Cynllun hwn fel ffynhonnell gyfeirio ddefnyddiol.

4. Diffiniadau

"Awdurdod": yn cyfeirio at bŵer deilliadol neu ddirprwyedig. Yn achos awdurdod dirprwyedig, dyma'r awdurdod a roddir i unigolyn arall i weithredu ar ran y prif awdurdod hyd at ddiwedd y penderfyniad neu'r broses ddirprwyedig, yn amodol ar unrhyw derfynau a bennir.

"Cyfeiriwyd drwy": yn berthnasol i bwyllgorau neu unigolion nad oes ganddynt awdurdod ffurfiol, ond sydd â'r hawl i wneud sylwadau, ac i'r sylwadau hynny gael eu hystyried, cyn y gwneir penderfyniad terfynol.

"Argymhelliad gan": yn berthnasol i bwyllgorau neu unigolion nad oes ganddynt y pŵer terfynol i wneud penderfyniadau, ond sydd serch hynny yn chwarae rhan ffurfiol yn y broses gymeradwyo. Mae pwyllgorau neu unigolion o'r fath yn argymhell penderfyniad neu bolisiau i'w cymeradwyo'n derfynol.

"Adrodd i": yn berthnasol i bwyllgorau neu unigolion nad oes ganddynt awdurdod ffurfiol, ond y dylid eu gwneud yn ymwybodol o'r mater

dan sylw naill ai cyn neu ar ôl gwneud penderfyniad, fel sy'n briodol.

"Cyfrifoldebau": lle cyfeirir atynt mewn adrannau cysylltiedig o'r Siarter, Statudau neu Ordinhadau, gall gynnwys disgrifiadau o swyddogaeth, dyletswyddau cyffredinol hawliau'r corff neu'r unigolyn dan sylw (e.e. cyfrifoldebau'r Trysorydd fel y nodir hwy yn Statud IV ac Ordinhad XXIV).

5. Is-gwmnïau

Mae is-gwmnïau sy'n eiddo llwyr i'r Brifysgol yn cael eu llywodraethu gan eu Byrddau eu hunain o ran eu gweithrediadau. Yn y cyd-destun hwn, disgwylir y bydd unrhyw ddirprwyo a weithredir ganddynt yn gyson â'r rhai a amlinellir ar gyfer y Brifysgol yn y ddogfen hon.

Mae'r Brifysgol yn sefydlu fframwaith rheoli y mae'n rhaid iddynt weithredu o'i fewn. Mae hwn yn cynnwys yr elfennau canlynol:

- a) Penodir yr holl Gyfarwyddwyr a'r Cadeirydd gan y Pwyllgor Enwebiadau a Llywodraethu ar ran y Cyngor.
- b) Bydd yr Erthyglau yn pennu terfynau ar eu cylch gweithredu na ellir eu diwygio heb gydsyniad Cyfranddalwyr a'r Brifysgol.
- c) Rhaid iddynt gyflwyno Cynllun Busnes yn flynyddol a fydd yn destun adolygiad gan y Pwyllgor Cyllid ac Adnoddau a chytunir ar gyllideb ar ei sail.
- d) Efallai y gofynnir iddynt o bryd i'w gilydd ddarparu Cynllun Strategol, neu ddiweddariad ohono.
- e) Gwneir yr holl drafodion ariannol trwy'r Swyddfa Gyllid, gan gynnwys y gyflogres, taliadau, prosesu incwm, arian parod, bancio etc. Bydd angen cefnogaeth y Pwyllgor Cyllid ac Adnoddau ar gyfer unrhyw gynnydd mewn cyfleusterau benthgy neu gredyd.

6. Dirprwyo i'r Cadeirydd

Mae Ordinhad XXXII yn datgan:

Awdurdodir Cadeiryddion y Cyngor, y Senedd a phob Pwyllgor ohono drwy hyn i benderfynu ar faterion brys ar ran y corff y maent yn ei gadeirio.

At ddibenion yr Ordinhad hwn, bernir bod 'materion brys' yn:

- (a) faterion yn ymwneud â gweithredu'n fanwl faterion a pholisiau y penderfynwyd arnynt eisoes gan y corff dan sylw*
- (b) ymwneud â chyflawni busnes arferol nad yw'n ddadleuol, neu*
- (c) faterion y byddai oedi yn eu cylch yn debygol o greu anhawster diangen a/neu beryglu buddiannau'r Brifysgol.*

Rhoddir gwybod am unrhyw gamau gweithredol a gymerir gan Gadeirydd o dan delerau'r

Ordinhad hwn yn ysgrifenedig i gyfarfod nesaf y corff dan sylw.

Cyn cymryd unrhyw gamau gweithredol o'r fath, gall y Cadeirydd ymgynghori'n anffurfiol ag unrhyw aelodau o'r Pwyllgor sy'n briodol yn ei farn ef / barn hi.

Bydd gan unrhyw Gadeirydd sy'n ystyried bod mater brys a gyfeiriwyd ar gyfer penderfyniad gweithredol yn haeddu ystyriaeth gan y corff dan sylw y pŵer i gynnull cyfarfod arbennig o'r corff i ystyried y mater penodol hwnnw. Bydd unrhyw gyfarfod arbennig o'r fath yn cael ei gynnal o fewn 7 diwrnod ar ôl i'r Cadeirydd benderfynu cynnull cyfarfod, beth bynnag fo darpariaethau unrhyw Reolau Sefydlog perthnasol i'r corff hwnnw; ystyrir bod y rheolau hynny wedi eu hatal dros dro i ganiatáu i'r cyfarfod gael ei gynnal.

7. Amgylchiadau Brys

Yn absenoldeb egwyddor bendant o awdurdod dirprwyedig, neu os bydd ansicrwydd ynghylch pwy y dylid dirprwyo penderfyniad neu broses iddo/iddi, yr egwyddor arweiniol ddylai fod i 'gyfeirio'r mater tuag i fyny'. Ni ddylai'r bobl neu'r grwpiau hynny y dirprwywyd cyfrifoldeb iddynt am wneud penderfyniadau ddirprwyo'r penderfyniad ymhellach heb gymeradwyaeth.

Yn absenoldeb yr awdurdod terfynol a'r awdurdod dirprwyedig, rhaid trosglwyddo penderfyniadau i'r Is-ganghellor neu Gadeirydd y Cyngor fel sy'n briodol.

8. Rhestr o Awdurdodau Terfynol a Dirprwyedig

		Awdurdod Terfynol	Awdurdod Dirprwyedig (os oes un)	Terfynau Dirprwyo, Cyd-destun a Phroses
8.1	Llywodraethu a rheolaeth			
	Diwygiadau i'r Siarter	Cyfrin Gyngor		Siarter XXII, trwy Benderfyniad Arbennig y Llys, a gyfeirir drwy'r Senedd a'r Cyngor
	Diwygiadau i Statudau	Cyfrin Gyngor		Siarter XVI, trwy Benderfyniad Arbennig y Cyngor, a gyfeiriir drwy'r Senedd a'r Llys
	Gweithredu cyfrifoldebau'r Cyngor	Y Cyngor	Cadeirydd y Cyngor (Ordinhad XXXII) Pwyllgorau'r Cyngor (fel y nodir) (Ordinhad XXXII)	Statud XI a XII ac Ordinhad XIII Yn ogystal, mae'r Cyngor wedi dewis dirprwyo rhai o'i gyfrifoldebau i'w bwyllgorau fel y nodir yn Ordinhad XVI
	Gweithredu cyfrifoldebau'r Pwyllgor Gweithredu	Y Cyngor	Grwpiau Tasg (fel y nodir) (Ordinhad XXXIII)	Ordinhad XXXIII

		Awdurdod Terfynol	Awdurdod Dirprwyedig (os oes un)	Terfynau Dirprwyo, Cyd-destun a Phroses
			Byrddau, Grwpiau Llywio neu Bwyllgorau (fel y nodir)	
	Cymeradwyo Ordinhadau newydd a diwygiedig	Y Cyngor	Pwyllgor Enwebiadau a Llywodraethu	Siarter XVII a Statud XXIII. Ordinhad XV. Ar argymhelliad y Pwyllgor Enwebiadau a Llywodraethu.
	Cymeradwyo Rheoliadau newydd a diwygiedig	Y Senedd		Siarter XVIII
	Cymeradwyo Rheolau Sefydlog newydd a diwygiedig	Y Cyngor		Siarter XIX
	Defnyddio Sêl y Brifysgol	Y Cyngor	Pwyllgor Selio	Siarter XII a Statud XII
	Rheolau Sefydlog a Chylch Gorchwyl ar gyfer Pwyllgorau Prifysgol	Y Cyngor		Ordinhad XVI Yn achos aelodaeth pwyllgor ar gyfer aelodau'r Cyngor, argymhellir hyn i'r Cyngor gan Bwyllgor Enwebiadau'r Cyngor Mae Penodiadau'r Senedd i Bwyllgorau'r Cyngor yn cael eu hargymhell i'r Senedd gan Bwyllgor Enwebiadau'r Senedd.

		Awdurdod Terfynol	Awdurdod Dirprwyedig (os oes un)	Terfynau Dirprwyo, Cyd-destun a Phroses
	Datganiadau Budd	Ysgrifennydd y Brifysgol	Pennaeth Llywodraethu a Chydymffurfio	Ordinhad XXIII - bob blwyddyn bydd y Swyddfa Llywodraethu a Chydymffurfio, ar ran Ysgrifennydd y Brifysgol, yn gofyn i holl aelodau'r Cyngor a'r Pwyllgor Gweithredu lenwi/diweddaru Ffurflen Cofrestru Buddiannau
8.2	Datblygu Strategaeth a Pholisi			
	Cymeradwyo Cynllun Strategol y Brifysgol a strategaethau cysylltiedig	Y Cyngor	Pwyllgor Strategaeth a Pherfformiad	Ordinhad XVI, Y Cyngor ar argymhelliad y Pwyllgor Strategaeth Cyfeirir drwy'r Pwyllgor Gweithredu a thrwy bwyllgorau'r Senedd/ Y Cyngor fel sy'n briodol
	Cymeradwyo Ffurflen Sicrwydd Blyneddol a Rhagolygon Ariannol i HEFCW	Y Cyngor		Rhagolygon Ariannol a gyfeirir trwy'r Pwyllgor Cyllid ac Adnoddau. Nodir gan HEFCW yn y Memorandwm Ariannol bod rhaid cael cymeradwyaeth Y Cyngor

		Awdurdod Terfynol	Awdurdod Dirprwyedig (os oes un)	Terfynau Dirprwyo, Cyd-destun a Phroses
	Prosesau cymeradwyo Risg	Y Cyngor		Cyfeirir drwy'r Pwyllgor Archwilio a Risg
	Cymeradwyo polisïau corfforaethol sy'n effeithio'n sylweddol ar yr amodau gwaith neu'r amgylchedd ar gyfer staff a myfyrwyr, a/neu bolisïau sy'n effeithio ar frand a/neu enw da'r Brifysgol	Y Cyngor		Cyfeirir drwy'r Pwyllgor Gweithredu a thrwy bwyllgorau eraill y Senedd/ Y Cyngor fel sy'n briodol
	Cymeradwyo polisïau corfforaethol eraill sy'n ymwneud â meysydd penodol neu faterion mwy gweithredol	Pwyllgor Gweithredu		Cyfeirir drwy'r Grŵp Tasg perthnasol fel bo'n briodol
8.3	Penodiadau a Materion Staffio			
	Penodi Canghellor	Y Llys		Statud II ar enwebiad Y Cyngor
	Penodi Trysorydd	Y Llys		Statud IV ar enwebiad Y Cyngor
	Penodi aelodau lleyg Y Cyngor	Y Cyngor	Pwyllgor Enwebiadau a Llywodraethu	Ordinhad XXXI; Y Cyngor ar argymhelliad y Pwyllgor Enwebiadau a Llywodraethu

		Awdurdod Terfynol	Awdurdod Dirprwyedig (os oes un)	Terfynau Dirprwyo, Cyd-destun a Phroses
	Penodi pobl i gynrychioli'r Brifysgol ar wahanol gyrff ac is-gwmnïau	Y Cyngor	Pwyllgor Enwebiadau a Llywodraethu	Ordinhad XVI; Y Cyngor ar argymhelliad y Pwyllgor Enwebiadau a Llywodraethu
	Penodi staff anacademaidd ar Y Cyngor	Y Cyngor		Statud XXIX ar enwebiad gan Ysgrifennydd y Brifysgol yn dilyn pleidlais
	Penodi Is-ganghellor	Y Cyngor	Pwyllgor Penodi'r Cyngor	Statud V ac Ordinhad VI; Y Cyngor ar argymhelliad Pwyllgor Penodi'r Cyngor
	Penodi Dirprwy Is-gangellorion a Dirprwy i'r Is-ganghellor	Y Cyngor		Statud VI; Y Cyngor ar enwebiad yr Is-Ganghellor a gyfeirir drwy'r Senedd
	Penodi Ysgrifennydd y Brifysgol	Y Cyngor		Statud VII ac Ordinhad VII; Y Cyngor ar argymhelliad Pwyllgor Penodi'r Cyngor
	Penodi Archwiliwr neu Archwilwyr	Y Cyngor	Pwyllgor Archwilio a Risg	Statud VIII ac Ordinhad XVI; penodir yn flynyddol gan Y Cyngor
	Penodi Deon(iaid) Coleg	Y Cyngor		Ordinhad XX; penodir gan Y Cyngor ar argymhelliad yr Is-ganghellor

		Awdurdod Terfynol	Awdurdod Dirprwyedig (os oes un)	Terfynau Dirprwyo, Cyd-destun a Phroses
	Penodi Penaethiaid Ysgolion o fewn Colegau	Y Cyngor	Yr Is-ganghellor (Ordinhad XXA)	Ordinhad XXA gan yr Is-ganghellor ar enwebu Panel Penodi
	Penodi rhai i Gadeiriau Personol, Athrawon er Anrhydedd, Athrawon Ymchwil, Athrawon a Darllenyddion ar Ymweliad	Y Cyngor	Pwyllgor yr Athrawon a'r Darllenyddion	Ordinhad XXII Hysbysir Y Cyngor
	Penodi rhai i Gadeiriau sefydledig	Y Cyngor	Y Pwyllgor Gweithredu a gyfeirir trwy Bwyllgor Penodi	Ordinhad XXI Hysbysir Y Cyngor
	Cyflogau staff cadeiriol ac uwch swyddogion	Y Cyngor	Bydd y Pwyllgor Taliadau yn ystyried cyflogau'r Is-ganghellor, aelodau'r Pwyllgor Gweithredu a staff sy'n derbyn cyflogau o £100,000 ac uwch Bydd y Grŵp Adolygu Tâl Staff Uwch yn ystyried cyflogau staff sy'n derbyn cyflogau rhwng pwynt uchaf y	Ordinhad XVI; Bydd y Cyngor yn derbyn adroddiad blynyddol gan y Pwyllgor Taliadau

		Awdurdod Terfynol	Awdurdod Dirprwyedig (os oes un)	Terfynau Dirprwyo, Cyd-destun a Phroses
			golofn gyflogau a £100,000	
	Proses Ddiswyddo	Y Cyngor	Pwyllgor Diswyddiadau	Statud XX (Rhan II); Y Cyngor ar argymhelliad y Pwyllgor Diswyddo.
	Gweithdrefnau diswyddo staff, disgyblu a chwynion	Y Cyngor		Statud XX
	Dyfarnu cymrodoriaethau a graddau er anrhydedd	Y Cyngor	Pwyllgor Graddau a Chymrodoriaethau er Anrhydedd	Ordinhad XVI - adroddir i'r Cyngor
	Cymeradwyo gwaith allanol/ymgynghorol gan staff y Brifysgol	Deoniaid Colegau / Cyfarwyddwyr Gwasanaethau Canolog	Penaethiaid Ysgolion	Polisi'r Brifysgol ar Waith Ymgynghorol
	Cymeradwyo Telerau ac Amodau gwasanaeth, gan gynnwys taliadau a pheynnau iawndal ymddeol/diswyddo	Y Cyngor	Cyfarwyddwr Adnoddau Dynol	Rheoliadau Ariannol (Adran 7)

		Awdurdod Terfynol	Awdurdod Dirprwyedig (os oes un)	Terfynau Dirprwyo, Cyd-destun a Phroses
8.4	Materion Myfyrwyr			
	Disgyblu Myfyrwyr	Y Cyngor	Yr Is-ganghellor Swyddogion Disgyblu Bwrdd Disgyblu Bwrdd Apêl	Statud XXII ac Ordinhad I
	Cymeradwyo cyfraddau Ffioedd Dysgu Myfyrwyr	Y Cyngor	Pwyllgor Cyllid ac Adnoddau	Ordinhad XVI; Pwyllgor Cyllid ac Adnoddau i gymeradwyo mecanweithiau ar gyfer pennu ffioedd dysgu
	Cymeradwyo Ffioedd Preswyl Myfyrwyr	Y Cyngor	Pwyllgor Cyllid ac Adnoddau	Ordinhad XVI; Pwyllgor Cyllid ac Adnoddau i gymeradwyo mecanweithiau ar gyfer pennu ffioedd eraill
	Cymeradwyo Arholwyr Allanol	Y Senedd	Cadeirydd y Grŵp Tasg Sicrhau Ansawdd a Dilysu	Llawlyfr Dilysu'r Senedd
8.5	Materion cyllidebol ac ariannol			
	Rheoli refeniw, eiddo a buddsoddiadau	Y Cyngor	Pwyllgor Gweithredu Pwyllgor Cyllid ac Adnoddau	Ordinhad XXXIII a XVI Y Cyngor a'r Rheoliadau Ariannol

		Awdurdod Terfynol	Awdurdod Dirprwyedig (os oes un)	Terfynau Dirprwyo, Cyd-destun a Phroses
	Cymeradwyo Cyfrifon Blynyddol	Y Cyngor	Pwyllgor Cyllid ac Adnoddau Pwyllgor Archwilio a Risg	Ordinhad XVI; Y Cyngor ar argymhelliad y Pwyllgor Cyllid ac Adnoddau / Cyfarwyddwr Cyllid
	Creu mentrau neu gwmnïau newydd	Y Cyngor	Pwyllgor Cyllid ac Adnoddau	Ordinhad XVI; Y Cyngor ar argymhelliad y Pwyllgor Cyllid ac Adnoddau
	Cymeradwyo cyllidebau blynyddol	Y Cyngor	Pwyllgor Gweithredu	Ordinhad XXXIII - Mae'r Pwyllgor Gweithredu yn pennu adnoddau, yn gosod cyllidebau ac yn monitro perfformiad ariannol
	Sicrwydd ar systemau ariannol a systemau rheolaeth fewnol boddhaol eraill	Y Cyngor	Pwyllgor Archwilio a Risg	Ordinhad XVI; Y Cyngor ar argymhelliad y Pwyllgor Pwyllgor Archwilio a Risg
	Swyddog Cyfrifyddu'r Brifysgol	Yr Is-ganghellor		Rheoliadau Ariannol
	Rheoli trysorlys o fewn strategaeth gyffredinol y trysorlys, gan gynnwys buddsoddiadau	Y Cyfarwyddwr Cyllid	Llofnodwyr banc fel y cytunwyd gan y Pwyllgor Cyllid ac Adnoddau	Rheoliadau Ariannol
	Sefydlu terfynau benthyca	Y Cyngor	Pwyllgor Cyllid ac Adnoddau	Ordinhad XVI

		Awdurdod Terfynol	Awdurdod Dirprwyedig (os oes un)	Terfynau Dirprwyo, Cyd-destun a Phroses
	Sefydlu cyfleusterau benthyca	Y Cyngor	Pwyllgor Cyllid ac Adnoddau	Ordinhad XVI
	Cymeradwyo gwerthu ecwiti neu drosglwyddo busnes mewn cwmnïau Prifysgol	Y Cyngor	Pwyllgor Cyllid ac Adnoddau	Ordinhad XVI
	Derbyn rhoddion a gwaddolion	Y Cyngor	Cyfarwyddwr Gweithredol Datblygu a'r Is-ganghellor yn achos Anrhegion o dan £500,000 Y Pwyllgor Gweithredu yn achos Anrhegion dros £500,000; hysbysir Y Cyngor am y rhain.	Polisi ar Dderbyn Rhoddion
	Dileu dyledion	Y Cyngor	Hyd at £100 (cant) Penaethiaid Canolfannau Adnoddau gyda chymeradwyaeth y Cyfarwyddwr Cyllid	Rheoliadau Ariannol

		Awdurdod Terfynol	Awdurdod Dirprwyedig (os oes un)	Terfynau Dirprwyo, Cyd-destun a Phroses
			Hyd at £1,000 (mil) - rhaid cael adroddiad i'r Pwyllgor Cyllid ac Adnoddau gan y Cyfarwyddwr Cyllid Dros £1,000 (mil) Cyfarwyddwr Cyllid gyda chymeradwyaeth y Pwyllgor Cyllid ac Adnoddau	
	Awdurdodi Contractau neu Weithredoedd dan Sêl	Y Cyngor (gan gynnwys Sêl y Brifysgol)	Dau aelod o'r Cyngor ac Ysgrifennydd y Brifysgol	Rheoliadau Ariannol
	Ymrwymiad a phrynu nwyddau a gwasanaethau (pan fyddant o fewn y gyllideb, neu fel arall mae angen cymeradwyaeth yr aelod perthnasol o'r Pwyllgor Gweithredu)	Cyfarwyddwr Cyllid	Deon/Cyfarwyddwr Gwasanaethau Proffesiynol <£100k Pennaeth Ysgol / Gwasanaethau Proffesiynol <£25k	Rheoliadau Ariannol (Adran 6)

		Awdurdod Terfynol	Awdurdod Dirprwyedig (os oes un)	Terfynau Dirprwyo, Cyd-destun a Phroses
	Cytundebau Prydles (heblaw eiddo)	Cyfarwyddwr Cyllid	Dirprwy Gyfarwyddwr Cyllid	Rheoliadau Ariannol
	Penodi Ymddiriedolwyr Pensiwn Prifysgol	Y Cyngor	Pwyllgor Enwebiadau a Llywodraethu	
	Rheoli Cynllun Pensiwn Prifysgol Bangor	Ymddiriedolwyr Cynllun Pensiwn PB		
	Rheoli cyfrifoldebau Prifysgol Bangor i'r USS	Y Cyngor	Pwyllgor Cyllid ac Adnoddau	Ordinhad XVI; Y Cyngor ar argymhelliad y Pwyllgor Cyllid ac Adnoddau
8.6	Rhaglen Gyfalaf a Materion Ystadau			
	Cymeradwyo Projectau Cyfalaf	Y Cyngor	Bwrdd Rhaglen Gyfalaf; hysbysir y Pwyllgor Cyllid ac Adnoddau	Mae'r Fframwaith Rheoli Projectau yn pennu sut y dylid categorio Projectau a'r awdurdod sy'n ofynnol
	Caffael eiddo a thir	Y Cyngor		Ordinhad XVI; gan Y Cyngor llawn yn unig
	Cael gwared ar eiddo a thir	Y Cyngor		Ordinhad XVI; gan Y Cyngor llawn yn unig

		Awdurdod Terfynol	Awdurdod Dirprwyedig (os oes un)	Terfynau Dirprwyo, Cyd-destun a Phroses
	Contractau eraill sy'n gysylltiedig ag Ystadau (e.e. contractau adeiladu, contractau gwasanaethau)	Y Cyngor	Cyfarwyddwr Gwasanaethau Eiddo a Champws	Rheoliadau Ariannol (yn unol ag Atodiad A y Rheoliadau)
	Goruchwyllo llety preswyl a gwasanaethau arlwyyo a lletygarwch sy'n eiddo i'r Brifysgol	Y Cyngor	Pwyllgor Cyllid ac Adnoddau	Ordinhad XVI; Y Cyngor ar argymhelliad y Pwyllgor Cyllid ac Adnoddau
	Cynnal Cofrestr Asedau Sefydlog ar gyfer yr holl offer sydd werth dros £1,000	Cyfarwyddwr Gwasanaethau Eiddo a Champws		Rheoliadau Ariannol (Adran 13)
8.7	Contractau, Cytundebau a Thrwyddedau			
	Cymeradwyo contractau a chytundebau (nas nodir fel arall yn y Cynllun hwn)	Y Cyngor	Yr Is-ganghellor Ysgrifennydd y Brifysgol Cyfarwyddwr Cyllid Mae angen i'r Cyngor neu Aelodau Dirprwyedig gymeradwyo pob contract dan sêl	Rheoliadau Ariannol

		Awdurdod Terfynol	Awdurdod Dirprwyedig (os oes un)	Terfynau Dirprwyo, Cyd-destun a Phroses
	Contractau a chytundebau ymchwil ac sy'n gysylltiedig ag ymchwil	Y Cyngor	Cyfarwyddwr Cyllid >£1m Dirprwy Gyfarwyddwr - RIIO <£1m	Rheoliadau Ariannol
	Contractau cysylltiedig â chyflogaeth	Y Cyngor	Cyfarwyddwr Adnoddau Dynol	Rheoliadau Ariannol
	Cytundebau ar gyfer darparu gwasanaethau gan y Brifysgol	Cyfarwyddwr Cyllid	Dirprwy Gyfarwyddwr Cyllid <£1m	Rheoliadau Ariannol (Adran 10)
	Cymeradwyo trwyddedau rheoliadol (meinwe dynol, Deddf Anifeiliaid (Gweithdrefnau Gwyddonol) etc.)	Deiliad Trwydded Sefydliadol		
	Cymeradwyo ceisiadau gan drydydd partion i ddefnyddio hawlfraint y Brifysgol	Cyfarwyddwr Llyfrgelloedd ac Archifau		
8.8	Materion Cyfryngau a Gwybodaeth			
	Cytundebau Ffilmio	Cyfarwyddwr Cyfathrebu a Materion Cyhoeddus		

		Awdurdod Terfynol	Awdurdod Dirprwyedig (os oes un)	Terfynau Dirprwyo, Cyd-destun a Phroses
	Awdurdodi datganiadau i'r cyfryngau	Cyfarwyddwr Cyfathrebu a Materion Cyhoeddus		
	Cymeradwyo defnyddio arfbais/logo'r Brifysgol	Cyfarwyddwr Cyfathrebu a Materion Cyhoeddus		
	Dosbarthiad gwybodaeth dan y Ddeddf Rhyddid Gwybodaeth (Cynllun Cyhoeddi Prifysgol Bangor)	Ysgrifennydd y Brifysgol	Pennaeth Llywodraethu a Chydymffurfio	
	Gweithredu sancsiynau'n ymwneud â mynediad unigolion at wasanaethau a chyfleusterau llyfrgell y Brifysgol	Cyfarwyddwr Llyfrgelloedd ac Archifau		
	Gweithredu sancsiynau'n ymwneud â'r Polisi Diogelwch Gwybodaeth	Ysgrifennydd y Brifysgol / Cyfarwyddwr Gwasanaethau TG	Pennaeth Llywodraethu a Chydymffurfio / Dirprwy Gyfarwyddwr Gwasanaethau TG	
	Cymeradwyo defnydd allanol o gyfleusterau cyfrifiadurol a meddalwedd y Brifysgol	Cyfarwyddwr Gwasanaethau TG		

		Awdurdod Terfynol	Awdurdod Dirprwyedig (os oes un)	Terfynau Dirprwyo, Cyd-destun a Phroses
8.9	Dyletswyddau Cyfreithiol			
	Goruchwylio a rheoli Deddfwriaeth Iechyd a Diogelwch a Pholisi Iechyd a Diogelwch y Brifysgol	Y Cyngor	Pwyllgor Iechyd a Diogelwch	Ordinhad XVI; Y Cyngor ar argymhelliad y Pwyllgor Iechyd a Diogelwch
	Goruchwylio a rheoli gofynion Deddf yr Iaith Gymraeg	Y Cyngor	Pwyllgor Dwyieithrwydd	Ordinhad XVI; Y Cyngor ar argymhelliad y Pwyllgor Dwyieithrwydd